

## PKPD di Felda Triang 3



### FOTO HIASAN

Raja Noraina Raja Rahim  
*rnoraina @hmetro.com.my*

Kuala Lumpur: Kerajaan melaksanakan Perintah Kawalan Pergerakan Diperketatkan (PKPD) di Felda Triang 3, Bera, Pahang.

Menteri Kanan (Keselamatan) Datuk Seri Ismail Sabri Yaakob berkata, PKPD di kawasan berkenaan bermula esok hingga 3 Mac depan.

Menurutnya, keputusan dibuat hasil penilaian risiko Kementerian Kesihatan Malaysia (KKM) bersama pelbagai agensi dalam Jawatankuasa Teknikal PKP.

"KKM mengesahkan terdapat sembilan kes positif Covid-19 dan setakat semalam), 79 kontak rapat dikenal pasti tinggal di lokaliti itu.

"Pelaksanaan PKPD itu akan membabitkan Perumahan Kelapa Sawit dan Taman Lamanda Permai di Felda Triang 3 yang merangkumi 1,356 penduduk," katanya dalam kenyataan media, hari ini.

Beliau berkata, KKM akan melaksanakan saringan secara bersasar kepada semua penduduk untuk memastikan tiada penularan jangkitan dalam komuniti.

**Artikel ini disiarkan pada : Rabu, 17 Februari 2021 @ 6:40 PM**